



Broj: 01-50-1-15-26/25

Sarajevo, 18. 3. 2025.



ZAPISNIK

**26. sjednice Predstavničkog doma
Parlamentarne skupštine Bosne i Hercegovine,
održane 17. i 18. 3. 2025.**

Sjednica je počela u 12.14 sati. Prisustvovalo je 37 poslanika.

Odsustvovali su: Denijal Tulumović, Darijana Filipović, Mia Karamehić-Abazović, Obren Petrović i Milan Petković.

Sjednici su prisustvovali: predsjedavajuća Vijeća ministara BiH Borjana Krišto, ministar pravde BiH Davor Bunoza, zamjenik ministra sigurnosti BiH Ivica Bošnjak, zamjenica ministra za ljudska prava i izbjeglice BiH Duška Jurišić i zamjenik ministra pravde BiH Elvir Mahmuzić.

Sjednicu su pratili predstavnici: Ministarstva komunikacija i prometa BiH, Ministarstva pravde BiH, Ministarstva civilnih poslova BiH, Ministarstva finansija i trezora BiH, Nezavisnog odbora Parlamentarne skupštine BiH, Odbora za žalbe građana Parlamentarne skupštine BiH, Državne regulatorne agencije za radijacijsku i nuklearnu sigurnost i Generalnog sekretarijata Vijeća ministara BiH.

Iz međunarodnih organizacija sjednicu su pratili predstavnici: Ureda specijalnog predstavnika EU/Delegacije Evropske unije u BiH i OSCE-a, te predstavnici ambasada Hrvatske i Nizozemske u BiH.

Predsjedavajući je rekao da će, u skladu s članom 167. Poslovnika, na početku sjednice, a prije rasprave o dnevnom redu, poslanicima biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najavu za postavljanje poslaničkog pitanja u usmenoj formi dostavili su:

- **Šemsudin Mehmedović** – ministru pravde BiH,
- **Albin Muslić** – ministru komunikacija i prometa BiH,
- **Jasmin Imamović** – predsjedavajućoj Vijeća ministara BiH,
- **Midhat Čaušević** – zamjeniku ministra sigurnosti BiH,

- **Jasmin Emrić** - zamjeniku ministra sigurnosti BiH.

Rejhana Dervišević odustala je od pitanja upućenog ministrici civilnih poslova BiH.

Najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na koga se pitanja odnose. Predsjedavajući je podsjetio na to da je osiguran i direktan TV-prijenos ovog dijela sjednice, u skladu s članom 167. stav (1) Poslovnika.

Sadržaj postavljenih pitanja je sljedeći: ¹

Šemsudin Mehmedović

„Kao što je poznato, na 23. sjednici Predstavničkog doma, održanoj čak 3. decembra 2024. godine, postavio sam usmeno pitanje ministru pravde BiH u kojem sam jasno ukazao na nezakonite aktivnosti rukovodećih državnih službenika Marka Kubatlije i Josipa Merdže. U pismenom odgovoru od 24. 12. 2024. godine ministar Bunoza me informisao da je Upravni inspektorat BiH pokrenuo inspekcijski postupak kojim će utvrditi da li ima osnova za eventualnu prekršajnu odgovornost Marka Kubatlije. Napominjem da je prošlo više od tri mjeseca kako sam ministru Bunozi ukazao na ozbiljne nezakonitosti vezano za rad državnih službenika i Kubatlije i Josipa Merdže, međutim, nemam informaciju da je ministar Bunoza poduzeo bilo kakve mjere u skladu sa svojim ovlastima. Naravno, neću ga podsjećati jer u tadašnjem pitanju sam mu napomenuo o kakvim se nezakonitim radnjama radi, i jednog i drugog, ali zato danas pitam ministra pravde, ministar pravde treba da promoviše pravdu i pravednost: Zbog čega Ministarstvo pravde BiH nakon više od tri mjeseca nije poduzelo zakonom utvrđene mjere protiv državnih službenika Kubatlije i Merdže jer u kontinuitetu postupaju protivno članu 50. stav (1) tačka n) Zakona o državnoj službi u institucijama BiH i članu 16. istog zakona kojim je jasno utvrđeno da državni službenik ne smije obavljati dužnost, aktivnost ili biti na položaju koji dovodi do sukoba interesa s njegovim službenim dužnostima?“

Ministar pravde BiH Davor Bunoza ukratko je odgovorio na pitanje i rekao da će biti dostavljen odgovor u pisanoj formi. **Šemsudin Mehmedović** je komentirao.

Albin Muslić

„Na osnovu člana 167. Poslovnika Predstavničkog doma, postavljam usmeno poslaničko pitanje ministru komunikacija i prometa BiH, ministru Forti, a pitanje se zapravo naslanja na moje ranije postavljeno poslaničko pitanje tokom 2024. godine u pogledu revitalizacije Unske pruge. Naime, tada sam dobio odgovor da je to jedan od prioriteta rada Ministarstva komunikacija i prometa i da će se uraditi određena studija opravdanosti revitalizacije predmetnog željezničkog pravca. Od tada do danas je prošlo skoro godinu dana i nisam upoznat da je nešto Ministarstvo konkretno radilo vezano za to, a isto tako sve nas želim da upoznam s

¹ Sadržaj pitanja preuzet je iz neautoriziranog transkripta 26. sjednice Predstavničkog doma.

činjenicom da je ministar Forto na Samitu o povezivanju u Budvi potpisao dokument o unapređenju mapa transevropske prometne mreže - TEN-T, gdje je između ostalog na tu mrežu uvrštena pruga Čapljina – Trebinje – Nikšić – Podgorica, a nije uvrštena Unska pruga. Moje poslaničko pitanje glasi: Iz kojih razloga predmetni željeznički pravac nije uvršten na transevropsku prometnu mrežu koja zapravo znači jedan od osnovnih preduslova za revitalizaciju Unske pruge koja je izuzetno značajna za sve nas koji živimo na Unsko-sanskom kantonu i koja je bila osnovni željeznički pravac između Zagreba i drugih gradova, naročito Splita, Šibenika i Zadra? Također, moje pitanje se odnosi i na to da li će Ministarstvo komunikacija i prometa u narednom periodu poduzeti aktivnosti kako bi se Unska pruga kao jedan od vitalnih željezničkih pravaca u BiH stavila na ovu mapu transevropske prometne mreže - TEN-T? Molim odgovor u pisanoj formi ako nije prisutan ministar.“

S obzirom da sjednici nije prisustvovao ministar komunikacija i prometa BiH Edin Forto, potrebno je da se odgovor na pitanje dostavi u pisanoj formi.

Jasmin Imamović

„U medijima je objavljeno da je arbitražna odluka u predmetu koji je firma Vijadukt Portorož pokrenula protiv BiH 2016. godine pred Međunarodnim centrom za rješavanje investicionih sporova u Vašingtonu donesena u korist firme Vijadukt Portorož. Arbitraža je pokrenuta zbog spora oko koncesije za izgradnju hidroenergetskih objekata na rijeci Vrbas. Također se navodi da je ukupan dug po navedenoj arbitražnoj odluci oko 108 miliona KM. Vijeće ministara BiH je sa Vladom Republike Srpske zaključilo Sporazum o međusobnim pravima i obavezama. U navedenom sporazumu saglasno se konstatuje da je spor nastao između Vijadukt d.o.o. Portorož i nadležnih organa Republike Srpske. U članu 3. se navodi da će Vlada Republike Srpske platiti sve troškove potrebne za vođenje arbitražnog postupka. U članu 4. se navodi, citiram – Sve eventualne novčane iznose, naknadu štete, izgublenu dobit sa kamatom, odštetu i drugo, koju bi na osnovu konačne arbitražne odluke donesene u arbitražnom postupku tužiocu bila dužna isplatiti BiH po prijemu dokumentovanog zahtjeva Pravobranilaštva BiH Vlada Republike Srpske se bezuslovno obavezuje da isplati u roku određenom arbitražnom odlukom, završen citat. Pod pretpostavkom da su medijski istupi tačni, neizvršenjem obaveza iz zaključenog sporazuma nakon konačne arbitražne odluke, imovina BiH se izlaže visokom riziku izvršenja nad istom, iako nije uzrokovala nastali spor. Postavljam pitanje za predsjedavajuću, uvaženu predsjedavajuću Vijeća ministara BiH gospođu Borjanu Krišto: Da li je arbitražna odluka u predmetu Vijadukt d.o.o. Portorož i drugih konačna i po istoj BiH nema više mogućnosti korištenja pravnih lijekova? Da li je arbitražna odluka priznata kod suda u BiH? Da li je bilo podnošenja zahtjeva za priznavanje arbitražne odluke kod sudova u inostranstvu? Koji iznos se potražuje po konačnoj arbitražnoj odluci na dan 17. 3. 2025. godine sa svim troškovima i kamatama, te koliki je okvirno iznos kamate na dug na dnevnoj osnovi, zapravo da li je tačno da je na dnevnoj osnovi po osnovu kamate dug 18.000,00 KM? Koje aktivnosti je do sada provodilo i koje aktivnosti planira provesti Vijeće ministara BiH u cilju zaštite imovine BiH od mogućeg sudskog izvršenja po navedenoj arbitražnoj odluci i svih štetnih posljedica koje bi iz tog mogle proizaći s obzirom na činjenicu da postoji Sporazum između Vijeća ministara BiH i Vlade Republike Srpske sa jasno definisanim pravima i

obavezama, te s obzirom na činjenicu da institucije BiH svojim postupanjem nisu dovele do pokretanja navedene arbitraže i nastanka navedene obaveze?“

Odgovor na pitanje dala je predsjedavajuća Vijeća ministara BiH Borjana Krišto. Jasmin Imamović je komentirao dobiveni odgovor.

Midhat Čaušević

„Moje pitanje je upućeno prema zamjeniku ministra sigurnosti BiH gospodinu Ivici Bošnjaku, a odnosi se na evidentno narušenu sigurnosnu situaciju u društveno-političkom ambijentu BiH. Zaista imam potrebu da na ovaj način iskoristim svoju poslaničku mogućnost i da ministra pitam: Da li na osnovu informacija nadležnih agencija imaju, postoje li saznanja o narušavanju sigurnosti povratnika izazvanom posljednjim antiustavnim radnjama u entitetu Republika Srpska? Da li su Vam dostupne informacije koje ukazuju da je onemogućen nesmetan rad bilo koje policijske agencije na teritoriji BiH? Prenosim Vam zabrinutost građana države BiH na sva ova posljednja dešavanja koja se, koja su evidentna i koja su okarakterisana kao antiustavna i želim da evo s ovog mjesta dobijemo odgovor od najrelevantnije osobe u ovom momentu kada je u pitanju sigurnost. Da li građani BiH imaju potrebu za zabrinutost? Da li institucije države BiH u koje su nam uprte sve oči svih onih koji državu BiH doživljavaju kao svoju jednu jedinu? Da li nesmetano rade i u slučaju da evo baš odgovor bude išao u pravcu da ima poteškoća šta kao zamjenik ministra sigurnosti planirate poduzeti, odnosno kakav institucionalni odgovor će država BiH poduzeti naspram svih ovih dešavanja? Da se situacija usložnjava evo svjedoci smo i posljednjih dešavanja s Graničnom policijom, gdje imaju poteškoće s funkcionisanjem sistema i da ne govorimo o drugim svakodnevno momentima koji se pojavljuju, a koji ukazuju da postoji jasna opstrukcija onoga što je funkcionisanje institucija države BiH.“

Odgovor na pitanje dao je zamjenik ministra sigurnosti BiH Ivica Bošnjak. Midhat Čaušević je komentirao dobiveni odgovor.

Jasmin Emrić

„Danas je 19. dan od izvršenog državnog udara kada je na 18. posebnoj sjednici Narodna skupština Republike Srpske usvojila protuustavne zakone, čime je faktično započeo čin napada na ustavni poredak države BiH i pokušaj protupravnog svrgavanja njenih najviših institucija, Suda i Tužilaštava, VSTV-a BiH i Državne agencije za istrage i zaštitu. Iako je Ustavni sud BiH 7. marta tekuće godine donio odluku o privremenoj mjeri kojom su ti usvojeni zakoni i drugi akti na 18. posebnoj sjednici Narodne skupštine Republike Srpske privremeno stavljeni van snage do donošenja konačne odluke Ustavnog suda, Ministarstvo unutrašnjih poslova Republike Srpske nastavilo je postupati po tim zakonima čime su rukovodioci i službene osobe tog Ministarstva učinitelji krivičnog djela iz člana 239. Krivičnog zakona BiH neizvršavanje odluke Ustavnog suda BiH, uključujući i odluku o privremenoj mjeri. 7. marta 2025. godine MUP Republike Srpske dostavio je službeni akt direktoru SIPA-e sa zahtjevom, kako su prenijeli mediji, da svi zaposlenici Regionalnog ureda u Banjoj Luci napuste radna mjesta i zgradu tog ureda. Na taj način MUP Republike Srpske je provodeći protuustavne zakone

izvršio napad na ustavni poredak i pokušao svrgnuti najviši policijski organ BiH, te zabraniti djelovanje i nadležnosti Regionalnog ureda SIPA-e u Banjoj Luci. S tim u vezi, postavljam pitanje zamjeniku ministra sigurnosti BiH Ivici Bošnjaku koji, u skladu sa članom 14. stav (4) Zakona o Vijeću ministara, privremeno obavlja dužnost ministra: Da li ste, kada i koje radnje poduzeli iz nadležnosti Ministarstva sigurnosti BiH, a u vezi napada na ustavni poredak Ministarstva unutrašnjih poslova Republike Srpske i pokušaja svrgavanja Državne agencije za istrage i zaštitu, te da li ste po službenoj dužnosti obavijestili Tužilaštvo BiH o navedenom protuustavnom činu svrgavanja Državne agencije za istrage i zaštitu od strane rukovodilaca i službenih osoba Ministarstva unutrašnjih poslova Republike Srpske jer postoji osnov sumnje da su počinjena krivična djela iz članova 156. i 239. Krivičnog zakona BiH?"

Odgovor na pitanje dao je zamjenik ministra sigurnosti BiH Ivica Bošnjak. Jasmin Emrić je komentirao dobiveni odgovor i zatražio dostavljanje odgovora u pisanoj formi.

* * * * *

Predsjedavajući je, povodom utvrđivanja dnevnog reda, rekao sljedeće:

Predlagači: poslanici Nihad Omerović, predsjedavajući Kluba poslanika NiP-a, Saša Magazinović, predsjedavajući Kluba poslanika SDP-a BiH, Sabina Ćudić, predsjedavajuća Kluba poslanika NS - BHI - KF, i Jasmin Emrić, predsjedavajući Mješovitog kluba poslanika, povukli su 11. 3. 2025. Prijedlog zakona iz tačke 4. te predložili novi **Prijedlog zakona o izmjenama Zakona o plaćama i naknadama u institucijama Bosne i Hercegovine, broj: 01-02-1-666/25 od 11. 3. 2025.**

Na zahtjev Zajedničke komisije za ljudska prava, s dnevnog reda skinuta je ranija:

- **Tačka 15.** Izvještaj o radu Vijeća nacionalnih manjina BiH za 2024. godinu, broj: 01,02-39-1-331/25 od 3. 2. 2025.
- Rejhana Dervišević povukla je iz procedure inicijativu kojom se zadužuju Ministarstvo finansija i trezora BiH i Ministarstvo vanjskih poslova BiH da, po utvrđivanju statusa potraživanja stare devizne štednje za Bosnu i Hercegovinu, nastupe kao *amicus curiae* (prijatelj suda) ili treća strana u postupcima pred Međunarodnim sudom za ljudska prava u Strazburu u postupcima u kojima štediške osporavaju odbijanje isplate s ciljem utvrđivanja statusa potraživanja stare devizne štednje čiju je isplatu Srbija odbila, broj: 01-50-1-388/25 od 7. 2. 2025, te je s dnevnog reda skinuta tačka 20.

Na dnevni red dodate su:

- **Tačka 5.** Prijedlog zakona o izmjenama Zakona o finansiranju institucija Bosne i Hercegovine, predlagač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-704/25 od 17. 3. 2025;
- **Tačka 17.** Izvještaj o javnom saslušanju Edina Forte, ministra komunikacija i prometa BiH, podnosilac: Komisija za saobraćaj i komunikacije Predstavničkog doma, broj: 01/5-50-3-238/25 od 12. 3. 2025;
- **Tačka 21.** Prijedlog odluke o izmjeni Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagač: poslanica Mira Pekić, broj: 01-34-1-709/25 od 17. 3. 2025;
- **Tačka 22.** Prijedlog rezolucije o osudi napada vlasti entiteta Republika Srpska na ustavni poredak Bosne i Hercegovine, s pozivom na odlučno djelovanje nadležnih institucija s ciljem zaštite ustavnog poretka, očuvanja mira i poštivanja Dejtonskog mirovnog sporazuma, predlagač: poslanici Šerif Špago, Edin Ramić, Safet Kešo, Midhat Čaušević, Nermin Mandra, Denijal Tulumović, Amor Mašović, Šemsudin Dedić, Milan Dunović, Vlatko Glavaš i Zlatan Begić, broj: 01-02-2-703/25 od 17. 3. 2025, i
- **Tačka 26.** Davanje saglasnosti za ratifikaciju Sporazuma o grantu između Bosne i Hercegovine i Evropske investicione banke, Mediteranski koridor: Poddionica autoputa 5c u Bosni i Hercegovini Medakovo - Ozimice / grant Evropskog zajedničkog fonda za Zapadni Balkan / WB-IG06-BIH-TRA-04, broj ugovora (FI broj): 98.576, broj operacije (Serapis broj): 2019-0751, broj: 01,02-21-1-625/25 od 6. 3. 2025.

Nije bilo rasprave o dnevnom redu.

Predsjedavajući je konstatirao da 26. sjednica Predstavničkog doma ima sljedeći

DNEVNI RED

1. Usvajanje zapisnikâ 15. hitne, 16. hitne, 17. hitne, 18. hitne, 19. hitne, 20. hitne, 21. hitne i 25. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopunama Zakona o mjeriteljstvu Bosne i Hercegovine, predlagač: Komisija za borbu protiv korupcije Predstavničkog doma, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-442/25 od 13. 2. 2025;
4. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagač: poslanici Nihad Omerović, predsjedavajući Kluba poslanika NiP-a, Saša Magazinović, predsjedavajući Kluba poslanika SDP-a BiH, Sabina Čudić, predsjedavajuća Kluba poslanika NS - BHI - KF, i Jasmin Emrić, predsjedavajući Mješovitog kluba poslanika, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-666/25 od 11. 3. 2025;

5. Prijedlog zakona o izmjenama Zakona o finansiranju institucija Bosne i Hercegovine, predlagač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-704/25 od 17. 3. 2025;
6. Izvještaj komisije Kolegija o nastojanju za postizanje saglasnosti o prijedlogu zaključaka poslanika Šemsudina Dedića povodom rasprave o Prijedlogu zakona o graničnoj kontroli, P.Z.E.I, predlagač: Vijeće ministara BiH, broj: 01-50-1-13-56/25, veza: 01,02-02-1-2546/24 od 26. 2. 2025;
7. Izvještaj komisije Kolegija o nastojanju za postizanje saglasnosti o zahtjevu poslanika Jasmina Emrića, Zlatana Begića, Elvise Hodžić i Šemsudina Mehmedovića za razmatranje Prijedloga zakona o dopunama Zakona o parlamentarnom nadzoru po hitnom postupku, u skladu s članom 133. Poslovnika, broj: 01-50-1-13-56/25, veza: 01-02-1-87/25 od 26. 2. 2025;
8. Izvještaj komisije Kolegija o nastojanju za postizanje saglasnosti o Godišnjem izvještaju iz oblasti poljoprivrede, ishrane i ruralnog razvoja Bosne i Hercegovine za 2023. godinu, podnosilac: Ministarstvo vanjske trgovine i ekonomskih odnosa BiH, broj: 01-50-1-13-56/25, veza: 01,02-28-2749/24 od 26. 2. 2025;
9. Izvještaj komisije Kolegija o nastojanju za postizanje saglasnosti o Specijalnom izvještaju u vezi sa sprečavanjem rizika apatridije u Bosni i Hercegovini, podnosilac: Institucija ombudsmena za ljudska prava BiH, broj: 01-50-1-13-56/25, veza: 01,02-12-1-2753/24 od 26. 2. 2024;
10. Izvještaj komisije Kolegija o nastojanju za postizanje saglasnosti o poslaničkoj inicijativi Šemsudina Mehmedovića kojom Predstavnički dom Parlamentarne skupštine BiH obavezuje Vijeće ministara BiH da sva imenovanja direktora 28 institucija Bosne i Hercegovine provode u skladu sa Ustavom i zakonima Bosne i Hercegovine kojima je utvrđena proporcionalna nacionalna struktura direktora institucija Bosne i Hercegovine, prema posljednjem popisu stanovništva u Bosni i Hercegovini iz 2013. godine, broj: 01-50-1-13-56/25, veza: 01-50-1-2539/24 od 26. 2. 2025;
11. Izvještaj komisije Kolegija o nastojanju za postizanje saglasnosti o prijedlogu zaključaka poslanika Šemsudina Mehmedovića povodom rasprave o tački: Provođenje i poštivanje odredbi Poslovnika Predstavničkog doma Parlamentarne skupštine Bosne i Hercegovine, predlagač: poslanik Šemsudin Mehmedović, broj: 01-50-1-13-56/25, veza: 01-50-1-2103/24 od 26. 2. 2025;
12. Izvještaj o stanju radijacijske i nuklearne sigurnosti u Bosni i Hercegovini u 2023. godini, podnosilac: Državna regulatorna agencija za radijacijsku i nuklearnu sigurnost, broj: 01,02-50-18-2501/24 od 12. 12. 2024;
13. Izvještaj o pitanjima primjene Kodeksa ponašanja poslanika i delegata u Parlamentarnoj skupštini Bosne i Hercegovine za 2023. godinu, podnosilac: Zajednička komisija za ljudska prava, broj: 01,02-02-4-240/25 od 22. 1. 2025;
14. Izvještaj o radu Odbora za žalbe građana Parlamentarne skupštine BiH za 2024. godinu, broj: 01,02-50-15-313/25 od 31. 1. 2025;
15. Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu, broj: 01,02-50-15-342/25 od 3. 2. 2025. i Plan rada Nezavisnog odbora kao nezavisnog tijela policijske strukture BiH za 2025. godinu, broj: 05/1-50-15-2508/24 od 13. 12. 2024;

16. Izvještaj o radu parlamentarnog vojnog povjerenika BiH za 2024. godinu, broj: 01,02-37-4-413/25 od 12. 2. 2025;
17. Izvještaj o javnom saslušanju Edina Forte, ministra komunikacija i prometa BiH, podnosilac: Komisija za saobraćaj i komunikacije Predstavničkog doma, broj: 01/5-50-3-238/25 od 12. 3. 2025;
18. Informacija o stanju u oblasti migracija u Bosni i Hercegovini za prvih šest mjeseci 2024. godine, podnosilac: Ministarstvo sigurnosti BiH, broj: 01-50-18-51/25 od 3. 1. 2025;
19. Informacija o godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2025. godinu, podnosilac: Ministarstvo odbrane BiH, broj: 03/1-03-1809/24 od 24. 9. 2024;
20. Poslanička inicijativa Jasmina Imamovića kojom se zadužuje Ministarstvo odbrane BiH da izradi program utopljanja zgrada, zamjene azbestnih krovova i azbestnih izolacija, postavljanja solarnih panela i ugradnje toplotnih pumpi za zagrijavanje i hlađenje zgrada Oružanih snaga BiH s ciljem zaštite zdravlja pripadnika i pripadnika Oružanih snaga BiH i poboljšanja njihovih uslova rada, poboljšanja kvaliteta zraka te radi osiguranja ušteda u potrošnji energije, broj: 01-50-1-129/25 od 10. 1. 2025;
21. Prijedlog odluke o izmjeni Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagач: poslanica Mira Pekić, broj: 01-34-1-709/25 od 17. 3. 2025;
22. Prijedlog rezolucije o osudi napada vlasti entiteta Republika Srpska na ustavni poredak Bosne i Hercegovine, s pozivom na odlučno djelovanje nadležnih institucija s ciljem zaštite ustavnog poretka, očuvanja mira i poštivanja Dejtonskog mirovnog sporazuma, predlagач: poslanici Šerif Špago, Edin Ramić, Safet Kešo, Midhat Čaušević, Nermin Mandra, Denijal Tulumović, Amor Mašović, Šemsudin Dedić, Milan Dunović, Vlatko Glavaš i Zlatan Begić, broj: 01-02-2-703/25 od 17. 3. 2025;
23. Davanje saglasnosti za ratifikaciju Sporazuma između Vlade Republike Sjeverne Makedonije i Vijeća ministara Republike Albanije, Vijeća ministara Bosne i Hercegovine, Vlade Crne Gore, Vlade Republike Srbije i Vlade Republike Slovenije o aranžmanima zemlje domaćina u vezi sa statusom stalne organizacije Balkanskih medicinskih snaga i njihovog osoblja, broj: 01,02-21-1-465/25 od 17. 2. 2025;
24. Davanje saglasnosti za ratifikaciju izmijenjenog i obnovljenog ugovora na Ugovor o zajmu originalnog datuma 12. septembra 2018. (Projekat Koridor 5c – Dio 3) između Bosne i Hercegovine i Evropske banke za obnovu i razvoj, broj: 01,02-21-1-466/25 od 17. 2. 2025;
25. Davanje saglasnosti za ratifikaciju Protokola između Vijeća ministara Bosne i Hercegovine i Vlade Rumunije o sukcesiji Bosne i Hercegovine bilateralnih ugovora zaključenih između Federativne Narodne Republike Jugoslavije / Socijalističke Federativne Republike Jugoslavije i Narodne Republike Rumunije / Socijalističke Republike Rumunije / Rumunije na nivou države i vlade, broj: 01,02-21-1-531/25 od 25. 2. 2025;
26. Davanje saglasnosti za ratifikaciju Sporazuma o grantu između Bosne i Hercegovine i Evropske investicione banke, Mediteranski koridor: poddionica autoputa 5c u Bosni i Hercegovini Medakovo – Ozimice / grant Evropskog zajedničkog fonda za Zapadni Balkan / WB-IG06-BIH-TRA-04, broj ugovora (FI broj): 98.576, broj operacije (Serapis broj): 2019-0751, broj: 01,02-21-1-625/25 od 6. 3. 2025.

* * * * *

Ad. 1. Usvajanje zapisnikâ 15. hitne, 16. hitne, 17. hitne, 18. hitne, 19. hitne, 20. hitne, 21. hitne i 25. sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave o zapisnicima.

Predstavnički dom je objedinjeno glasao o svim zapisnicima - „za“ je glasalo 27 poslanika (iz Federacije BiH 23, iz Republike Srpske četiri), „protiv“ sedam, „suzdržanih“ nije bilo. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o zapisnicima.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja i inicijative u pisanoj formi postavili poslanici:

- Jasmin Emrić – postavio deset pitanja, te je zatražio upućivanje urgencija za dostavljanje odgovora na pitanja, kao i dostavljanje informacije u vezi s postavljenim pitanjima,
- Šemsudin Mehmedović – postavio osam pitanja,
- Saša Magazinović – postavio 68 pitanja i zatražio upućivanje urgencija za dostavljanje odgovora na pitanja,
- Ermina Salkičević-Dizdarević – postavila sedam pitanja,
- Aida Baručija – postavila dva pitanja,
- Sanja Vulić – postavila dva pitanja,
- Safet Kešo – postavio dva pitanja,
- Milan Dunović – postavio jedno pitanje,
- inicijative Kolegiju Doma uputili su Rejhana Dervišević i Jasmin Imamović.

Do današnje sjednice dostavljeni su sljedeći odgovori:

- na pitanja Saše Magazinovića dostavljena su 63 odgovora;
- na pitanja Šerifa Špage dostavljeno je 60 odgovora;
- na pitanja Jasmina Emrića dostavljena su 43 odgovora, kao i 15 obavještenja povodom upućenih urgencija za dostavljanje odgovora.
- na pitanja Šemsudina Mehmedovića dostavljeno je deset odgovora;
- na pitanja Rejhane Dervišević dostavljeno je šest odgovora,

- na pitanja Safeta Keše dostavljena su tri odgovora;
- na pitanja Šemsudina Dedića dostavljeno je šest odgovora;
- na pitanja Sanje Vulić dostavljena su četiri odgovora;
- po jedan odgovor dostavljen je na pitanja: Ermine Salkičević-Dizdarević, Ljubice Miljanović, Elvise Hodžić, Milana Dunovića i Nermina Mandre.

Odgovore su komentirali Safet Kešo i Šemsudin Mehmedović.

Ad. 3. Prijedlog zakona o izmjenama i dopunama Zakona o mjeriteljstvu Bosne i Hercegovine, predlaž: Komisija za borbu protiv korupcije Predstavničkog doma, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-442/25 od 13. 2. 2025.

Predsjedavajući je dao uvodne napomene.

Ermina Salkičević-Dizdarević obrazložila je zahtjev za hitni postupak.

U raspravi o zahtjevu za hitni postupak učestvovali su: Milorad Kojić, Zlatan Begić, Šemsudin Mehmedović, Branislav Borenović, Sanja Vulić i Ermina Salkičević-Dizdarević.

Predstavnički dom je, s 20 glasova „za“ (iz Federacije BiH 15, iz Republike Srpske pet), osam „protiv“ i sedam „suzdržanih“ glasova, usvojio Zahtjev Komisije za borbu protiv korupcije Predstavničkog doma za razmatranje Prijedloga zakona o izmjenama i dopunama Zakona o mjeriteljstvu Bosne i Hercegovine po hitnom postupku, u skladu s članom 133. Poslovnika.

Nije bilo rasprave o Prijedlogu zakona.

„Za“ Prijedlog zakona o izmjenama i dopunama Zakona o mjeriteljstvu Bosne i Hercegovine glasala su 22 poslanika (iz Federacije BiH 18, iz Republike Srpske četiri), „protiv“ osam, „suzdržana“ četiri. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zakona po hitnom postupku.

Ad. 4. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagač: poslanici Nihad Omerović, predsjedavajući Kluba poslanika NiP-a, Saša Magazinović, predsjedavajući Kluba poslanika SDP-a BiH, Sabina Ćudić, predsjedavajuća Kluba poslanika NS - BHI - KF, i Jasmin Emrić, predsjedavajući Mješovitog kluba poslanika, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-666/25 od 11. 3. 2025.

Predsjedavajući je dao uvodne napomene.

Nihad Omerović obrazložio je zahtjev za hitni postupak.

U raspravi o zahtjevu za hitni postupak učestvovali su: Šerif Špago, Saša Magazinović, Zlatan Begić i Darko Babalj.

Predstavnički dom je, s 27 glasova „za“ (iz Federacije BiH 22, iz Republike Srpske pet), šest „protiv“ i jednim glasom „suzdržan“, usvojio Zahtjev poslanika Nihada Omerovića, predsjedavajućeg Kluba poslanika NiP-a, Saše Magazinovića, predsjedavajućeg Kluba poslanika SDP-a BiH, Sabine Ćudić, predsjedavajuće Kluba poslanika NS - BHI - KF, i Jasmina Emrića, predsjedavajućeg Mješovitog kluba poslanika za razmatranje Prijedloga zakona o izmjenama Zakona o plaćama i naknadama u institucijama Bosne i Hercegovine po hitnom postupku, u skladu s članom 133. Poslovnika.

Nihad Omerović obrazložio je Prijedlog zakona.

U raspravi o Prijedlogu zakona učestvovali su: Šerif Špago, Sanja Vulić, Nihad Omerović, Milorad Kojić, Saša Magazinović, Zlatan Begić, Predrag Kožul, Albin Muslić, Darko Babalj, Denis Zvizdić, Miroslav Vujičić i Mira Pekić.

Prijedlog zakona o izmjenama Zakona o plaćama i naknadama u institucijama Bosne i Hercegovine usvojen je s 30 glasova „za“ (iz Federacije BiH 25, iz Republike Srpske pet), bez glasova „protiv“ i šest glasova „suzdržan“.

Ad. 5. Prijedlog zakona o izmjenama Zakona o finansiranju institucija Bosne i Hercegovine, predlagač: poslanik Marinko Čavara, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-704/25 od 17. 3. 2025.

Predsjedavajući je dao uvodne napomene.

Marinko Čavara obrazložio je zahtjev za hitni postupak. Nije bilo rasprave o zahtjevu.

„Za“ zahtjev poslanika Marinka Čavare za razmatranje Prijedloga zakona o izmjenama Zakona o finansiranju institucija Bosne i Hercegovine po hitnom postupku, u skladu s članom 133. Poslovnika, glasalo je 19 poslanika (iz Federacije BiH sedam, iz Republike Srpske 12), „protiv“ deset, „suzdržanih“ šest. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja, sa 18 glasova „za“, 11 „protiv“ (iz Federacije BiH) i šest „suzdržanih“, usvojen je zahtjev za hitni postupak.

Nije bilo rasprave o Prijedlogu zakona.

Za“ Prijedlog zakona o izmjenama Zakona o finansiranju institucija Bosne i Hercegovine glasalo je 15 poslanika (iz Federacije BiH pet, iz Republike Srpske deset), „protiv“ 14, „suzdržanih“ sedam. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja, s 14 glasova „za“, 12 „protiv“ (iz Federacije BiH) i deset „suzdržanih“, usvojen je Prijedlog zakona o izmjenama Zakona o finansiranju institucija Bosne i Hercegovine.

Marinko Čavara predložio je sljedeći zaključak: „Predstavnički dom Parlamentarne skupštine BiH traži od Doma naroda Parlamentarne skupštine BiH da, u skladu s članom 124. Poslovnika Doma naroda, Prijedlog zakona o izmjenama Zakona o finansiranju institucija Bosne i Hercegovine razmotri po hitnom postupku, imajući u vidu da je prijedlog zakona formuliran na jednostavan način.“

Za“ prijedlog zaključka glasalo je 13 poslanika (iz Federacije BiH tri, iz Republike Srpske deset), „protiv“ osam, „suzdržanih“ 15. Predsjedavajući je konstatirao da nema potrebne entitetske većine u prvom krugu glasanja. Kolegij kao komisija odmah je obavio usaglašavanje. Saglasnost nije postignuta. U drugom krugu glasanja, s 13 glasova „za“, deset „protiv“ (iz Federacije BiH) i 13 „suzdržanih“, usvojen je navedeni zaključak.

Ad. 6. Izvještaj komisije Kolegija o nastojanju za postizanje saglasnosti o prijedlogu zaključaka poslanika Šemsudina Dedića povodom rasprave o Prijedlogu zakona o graničnoj kontroli, P.Z.E.I, predlagač: Vijeće ministara BiH, broj: 01-50-1-13-56/25, veza: 01,02-02-1-2546/24 od 26. 2. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom je, u drugom krugu glasanja, s 30 glasova „za“, šest „protiv“ (iz Republike Srpske) i bez „suzdržanih“ glasova, usvojio zaključke poslanika Šemsudina Dedića koji glase:

„Predstavnički dom Parlamentarne skupštine BiH zadužuje Vijeće ministara BiH da u roku od šest mjeseci od dana stupanja na snagu Zakona o graničnoj kontroli Bosne i Hercegovine, u saradnji s nadležnim organima Republike Hrvatske, završi aktivnosti na izmjenama i dopunama postojećeg ili potpisivanja novog ugovora o određivanju graničnih prijelaza između Bosne i Hercegovine i Republike Hrvatske kojim će se:

1. osigurati kategorizacija dodatna tri granična prijelaza sa svim inspekcijskim kontrolama i statusom tzv. BIP-a (Border Inspection Point), i to:
 - GP Izačić (BiH) – GP Ličko Petrovo Selo (RH),
 - GP Donji Svilaj (BiH) – GP Svilaj (RH) i
 - GP Šamac (BiH) – Slavonski Šamac (RH) ili neki drugi;
2. unaprijediti stanje graničnih prijelaza za saobraćaj putnika i robe između Bosne i Hercegovine i Republike Hrvatske dodjeljivanjem statusa većem broju međunarodnih drumskih graničnih prijelaza za promet putnika i robe.“

Ad. 7. Izvještaj komisije Kolegija o nastojanju za postizanje saglasnosti o zahtjevu poslanika Jasmina Emrića, Zlatana Begića, Elvise Hodžić i Šemsudina Mehmedovića za razmatranje Prijedloga zakona o dopunama Zakona o parlamentarnom nadzoru po hitnom postupku, u skladu s članom 133. Poslovnika, broj: 01-50-1-13-56/25, veza: 01-02-1-87/25 od 26. 2. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom je, u drugom krugu glasanja, s 22 glasa „za“, osam „protiv“ (iz Federacije BiH dva, iz Republike Srpske šest) i šest „suzdržanih“ glasova, usvojio zahtjev poslanika Jasmina Emrića, Zlatana Begića, Elvise Hodžić i Šemsudina Mehmedovića za razmatranje Prijedloga zakona o dopunama Zakona o parlamentarnom nadzoru po hitnom postupku, u skladu s članom 133. Poslovnika.

Prijedlog zakona obrazložio je Jasmin Emrić. Nije bilo rasprave.

„Za“ Prijedlog zakona o dopunama Zakona o parlamentarnom nadzoru glasala su 23 poslanika (iz Federacije BiH 22, iz Republike Srpske jedan), „protiv“ osam i „suzdržanih“ pet poslanika. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom prijedlogu zakona po hitnom postupku.

Ad. 8. Izvještaj komisije Kolegija o nastojanju za postizanje saglasnosti o Godišnjem izvještaju iz oblasti poljoprivrede, ishrane i ruralnog razvoja Bosne i Hercegovine za 2023. godinu, podnosilac: Ministarstvo vanjske trgovine i ekonomskih odnosa BiH, broj: 01-50-1-13-56/25, veza: 01,02-28-2749/24 od 26. 2. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom je, u drugom krugu glasanja, s 19 glasova „za“, sedam „protiv“ (iz Federacije BiH tri, iz Republike Srpske četiri) i deset „suzdržanih“ glasova, usvojio Godišnji izvještaj iz oblasti poljoprivrede, ishrane i ruralnog razvoja Bosne i Hercegovine za 2023. godinu.

Ad. 9. Izvještaj komisije Kolegija o nastojanju za postizanje saglasnosti o Specijalnom izvještaju u vezi sa sprečavanjem rizika apatridije u Bosni i Hercegovini, podnosilac: Institucija ombudsmena za ljudska prava BiH, broj: 01-50-1-13-56/25, veza: 01,02-12-1-2753/24 od 26. 2. 2024.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom je, u drugom krugu glasanja, s 26 glasova „za“, pet „protiv“ (iz Republike Srpske) i pet „suzdržanih“ glasova, usvojio Specijalni izvještaj u vezi sa sprečavanjem rizika apatridije u Bosni i Hercegovini.

Ad. 10. Izvještaj komisije Kolegija o nastojanju za postizanje saglasnosti o poslaničkoj inicijativi Šemsudina Mehmedovića kojom Predstavnički dom Parlamentarne skupštine BiH obavezuje Vijeće ministara BiH da sva imenovanja direktora 28 institucija Bosne i Hercegovine provode u skladu sa Ustavom i zakonima Bosne i Hercegovine kojima je utvrđena proporcionalna nacionalna struktura direktora institucija Bosne i Hercegovine, prema posljednjem popisu stanovništva u Bosni i Hercegovini iz 2013. godine, broj: 01-50-1-13-56/25, veza: 01-50-1-2539/24 od 26. 2. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom, u drugom krugu glasanja, nije usvojio poslaničku inicijativu Šemsudina Mehmedovića - „za“ su glasala 23 poslanika, „protiv“ 12 (iz Federacije BiH dva, iz Republike Srpske deset), „suzdržan“ jedan.

Ad. 11. Izvještaj komisije Kolegija o nastojanju za postizanje saglasnosti o prijedlogu zaključaka poslanika Šemsudina Mehmedovića povodom rasprave o tački: Provođenje i poštivanje odredbi Poslovnika Predstavničkog doma Parlamentarne skupštine Bosne i Hercegovine, predlagač: poslanik Šemsudin Mehmedović, broj: 01-50-1-13-56/25, veza: 01-50-1-2103/24 od 26. 2. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

Predstavnički dom je, u drugom krugu glasanja, s 15 glasova „za“, osam „protiv“ (iz Federacije BiH dva, iz Republike Srpske šest) i 13 „suzdržanih“ glasova, usvojio zaključke poslanika Šemsudina Mehmedovića, koji glase:

1. Predstavnički dom Parlamentarne skupštine BiH, u skladu s članom 66. stav (3) Poslovnika Predstavničkog doma, traži od Kolegija Predstavničkog doma da Predstavnički dom u pravilu zasjeda dva puta mjesečno i da se sjednice Doma zakazuju s početkom u 10 sati.
2. Predstavnički dom Parlamentarne skupštine BiH traži od Kolegija Predstavničkog doma da se u 2025. godini organiziraju dvije posebne zajedničke sjednice oba doma o temi: „Poslanici i delegati pitaju – Vijeće ministara BiH odgovara“.
3. Predstavnički dom Parlamentarne skupštine BiH traži od Kolegija Predstavničkog doma da u potpunosti poštuje odredbu Poslovnika Predstavničkog doma kojom je utvrđeno da Kolegij može odlučiti o tumačenju Poslovnika dok to pitanje ne regulira Predstavnički dom.

Ad. 12. Izvještaj o stanju radijacijske i nuklearne sigurnosti u Bosni i Hercegovini u 2023. godini, podnosilac: Državna regulatorna agencija za radijacijsku i nuklearnu sigurnost, broj: 01,02-50-18-2501/24 od 12. 12. 2024.

Nakon uvodnih napomena predsjedavajućeg, nije bilo rasprave.

Izvještaj o stanju radijacijske i nuklearne sigurnosti u Bosni i Hercegovini u 2023. godini usvojen je s 22 glasa „za“ (iz Federacije BiH 17, iz Republike Srpske pet), pet „protiv“ i devet „suzdržanih“ glasova.

Ad. 13. Izvještaj o pitanjima primjene Kodeksa ponašanja poslanika i delegata u Parlamentarnoj skupštini Bosne i Hercegovine za 2023. godinu, podnosilac: Zajednička komisija za ljudska prava, broj: 01,02-02-4-240/25 od 22. 1. 2025.

Predsjedavajući je dao uvodne napomene. Nije bilo rasprave.

Predstavnički dom je, s 29 glasova „za“ (iz Federacije BiH 22, iz Republike Srpske sedam), bez glasova „protiv“ i sedam „suzdržanih“ glasova, usvojio Izvještaj o pitanjima

primjene Kodeksa ponašanja poslanika i delegata u Parlamentarnoj skupštini Bosne i Hercegovine za 2023. godinu.

Ad. 14. Izvještaj o radu Odbora za žalbe građana Parlamentarne skupštine BiH za 2024. godinu, broj: 01,02-50-15-313/25 od 31. 1. 2025.

Predsjedavajući je dao uvodne napomene.

Izvještaj je obrazložila Hana Korać, članica Odbora za žalbe građana Parlamentarne skupštine BiH. Nije bilo rasprave.

Izvještaj o radu Odbora za žalbe građana Parlamentarne skupštine BiH za 2024. godinu usvojen je s 28 glasova „za“ (iz Federacije BiH 21, iz Republike Srpske sedam), bez glasova „protiv“ i osam „suzdržanih“ glasova.

Ad. 15. Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu, broj: 01,02-50-15-342/25 od 3. 2. 2025. i Plan rada Nezavisnog odbora kao nezavisnog tijela policijske strukture BiH za 2025. godinu, broj: 05/1-50-15-2508/24 od 13. 12. 2024.

Predsjedavajući je dao uvodne napomene. Diskutirao je Jasmin Emrić.

Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu usvojen je s 20 glasova „za“ (iz Federacije BiH 14, iz Republike Srpske šest), tri „protiv“ i 13 „suzdržanih“ glasova. Plan rada Nezavisnog odbora kao nezavisnog tijela policijske strukture BiH za 2025. godinu primljen je k znanju.

Ad. 16. Izvještaj o radu parlamentarnog vojnog povjerenika BiH za 2024. godinu, broj: 01,02-37-4-413/25 od 12. 2. 2025.

Predsjedavajući je dao uvodne napomene. Nije bilo rasprave.

Izvještaj o radu parlamentarnog vojnog povjerenika BiH za 2024. godinu usvojen je s 33 glasa „za“ (iz Federacije BiH 23, iz Republike Srpske deset), bez glasova „protiv“ i tri „suzdržana“ glasa.

Ad. 17. Izvještaj o javnom saslušanju Edina Forte, ministra komunikacija i prometa BiH, podnosilac: Komisija za saobraćaj i komunikacije Predstavničkog doma, broj: 01/5-50-3-238/25 od 12. 3. 2025.

Predsjedavajući je dao uvodne napomene. Nije bilo rasprave.

Predstavnički dom je, s 24 glasa „za“ (iz Federacije BiH 19, iz Republike Srpske pet), bez glasova „protiv“ i 12 „suzdržanih“ glasova, usvojio zaključke sadržane u Izvještaju koji glase:

1. Predstavnički dom Parlamentarne skupštine BiH traži od Ministarstva komunikacija i prometa BiH da u što kraćem roku izradi i dostavi Vijeću ministara BiH na usvajanje i upućivanje u parlamentarnu proceduru prijedloge zakona iz nadležnosti Ministarstva, koji su programima rada Vijeća ministara za 2023. i 2024. godinu planirani da se upute Parlamentarnoj skupštini BiH na usvajanje.
2. Predstavnički dom Parlamentarne skupštine BiH traži od Ministarstva komunikacija i prometa BiH da, u skladu s članom 7. Zakona o upravi („Službeni glasnik BiH“, br. 37/03, 102/09 i 72/17), osigura odgovarajuću etničku zastupljenost državnih službenika i zaposlenika u skladu s nacionalnom strukturom stanovništva prema posljednjem popisu stanovništva u Bosni i Hercegovini, posebno uzimajući u obzir činjenicu da je u Ministarstvu zaposleno manje od 30% Bošnjaka, te da je u Direkciji za civilno zrakoplovstvo BiH, koja ima status upravne organizacije u sastavu Ministarstva, od 60 zaposlenih trenutno 80% Srba i svega 14% Bošnjaka.
3. Predstavnički dom Parlamentarne skupštine BiH traži od Ministarstva komunikacija i prometa BiH da sačini i Predstavničkom domu dostavi sveobuhvatnu analizu o ukupnom broju zaposlenih u Ministarstvu u sjedištu u Sarajevu i odgovori kako je moguće da Ministarstvo u sjedištu ima manje od 100 zaposlenih, dok istovremeno Regulatorna agencija za komunikacije BiH ima čak 140 zaposlenih, uprkos činjenici da ovako važno ministarstvo ima znatno veće zakonodavne i izvršne nadležnosti od jednog regulatornog tijela koje je nadležno samo za regulaciju tržišta elektronskih komunikacija i audiovizuelnog sektora u Bosni i Hercegovini.

„Za“ Izvještaj o javnom saslušanju Edina Forte, ministra komunikacija i prometa BiH glasala su 23 poslanika (iz Federacije BiH 19, iz Republike Srpske četiri), glasova „protiv“ nije bilo, a 13 poslanika je bilo „suzdržano“. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o navedenom izvještaju.

Ad. 18. Informacija o stanju u oblasti migracija u Bosni i Hercegovini za prvih šest mjeseci 2024. godine, podnosilac: Ministarstvo sigurnosti BiH, broj: 01-50-18-51/25 od 3. 1. 2025.

Nakon uvodnih napomena predsjedavajućeg, nije bilo rasprave.

Informacija o stanju u oblasti migracija u Bosni i Hercegovini za prvih šest mjeseci 2024. godine primljena je k znanju.

Ad. 19. Informacija o godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2025. godinu, podnosilac: Ministarstvo odbrane BiH, broj: 03/1-03-1809/24 od 24. 9. 2024.

Nakon uvodnih napomena predsjedavajućeg, diskutirao je Albin Muslić.

Informacija o godišnjem planu obuke i vježbi pripadnika i jedinica Oružanih snaga Bosne i Hercegovine u inozemstvu za 2025. godinu primljena je k znanju.

Ad. 20. Poslanička inicijativa Jasmina Imamovića kojom se zadužuje Ministarstvo odbrane BiH da izradi program utopljanja zgrada, zamjene azbestnih krovova i azbestnih izolacija, postavljanja solarnih panela i ugradnje toplotnih pumpi za zagrijavanje i hlađenje zgrada Oružanih snaga BiH s ciljem zaštite zdravlja pripadnika i pripadnika Oružanih snaga BiH i poboljšanja njihovih uslova rada, poboljšanja kvaliteta zraka te radi osiguranja ušteda u potrošnji energije, broj: 01-50-1-129/25 od 10. 1. 2025.

Nakon uvodnih napomena predsjedavajućeg, Jasmin Imamović obrazložio je poslaničku inicijativu. Nije bilo rasprave.

Predstavnički dom nije se izjasnio o poslaničkoj inicijativi Jasmina Imamovića.

Ad. 21. Prijedlog odluke o izmjeni Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine, predlagач: poslanica Mira Pekić, broj: 01-34-1-709/25 od 17. 3. 2025.

Predsjedavajući je dao uvodne napomene.

U raspravi su učestvovali: Sanja Vulić, Sabina Ćudić, Mira Pekić, Milorad Kojić, Branislav Borenović, Nenad Grković i Mladen Bosić.

„Za“ Prijedlog odluke o izmjeni Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine glasalo je 19 poslanika (iz Federacije BiH 15, iz Republike Srpske četiri), „protiv“ šest, a 11 poslanika bilo je „suzdržano“. Predsjedavajući je konstatirao da nema potrebne entitetske većine u prvom krugu glasanja. Kolegij Doma kao komisija odmah je obavio usaglašavanje. Saglasnost nije postignuta. U drugom krugu glasanja, s 19 glasova „za“, šest „protiv“ (iz Republike Srpske) i 11 „suzdržanih“ glasova, usvojena je Odluka o izmjeni Odluke o imenovanju članova stalnih komisija Predstavničkog doma Parlamentarne skupštine Bosne i Hercegovine.

* * * * *

Sjednica je prekinuta u 17.21 u toku rasprave o tački 22. dnevnog reda.

Sjednica je nastavljena u utorak, 18. 3. 2025, u 12.40 sati. Prisustvovalo je 37 poslanika.

Odsustvovali su: Denijal Tulumović, Darijana Filipović, Milan Dunović, Obren Petrović i Milan Petković.

Sjednicu su pratili predstavnici Ministarstva komunikacija i prometa BiH i Ministarstva pravde BiH.

Iz međunarodnih organizacija sjednicu su pratili predstavnici: Ureda specijalnog predstavnika EU/Delegacije Evropske unije u BiH i OSCE-a.

Na nastavku sjednice obavljena je rasprava o tačkama 22-26. dnevnog reda, kao i glasanje o svim tačkama dnevnog reda.

Ad. 22. Prijedlog rezolucije o osudi napada vlasti entiteta Republika Srpska na ustavni poredak Bosne i Hercegovine, s pozivom na odlučno djelovanje nadležnih institucija s ciljem zaštite ustavnog poretka, očuvanja mira i poštivanja Dejtonskog mirovnog sporazuma, predlaže: poslanici Šerif Špago, Edin Ramić, Safet Kešo, Midhat Čaušević, Nermin Mandra, Denijal Tulumović, Amor Mašović, Šemsudin Dedić, Milan Dunović, Vlatko Glavaš i Zlatan Begić, broj: 01-02-2-703/25 od 17. 3. 2025.

Predsjedavajući je dao uvodne napomene.

U raspravi su učestvovali: Šerif Špago, Nebojša Radmanović, Sanja Vulić, Milorad Kojić, Zlatan Begić, Safet Kešo, Nihad Omerović, Darko Babalj, Sabina Ćudić, Jasmin Emrić, Miroslav Vujičić, Predrag Kojović, Mia Karamehić-Abazović, Saša Magazinović, Jasmin Imamović, Edin Ramić, Predrag Kožul, Midhat Čaušević, Denis Zvizdić i Mladen Bosić.

Predrag Kožul podnio je dva amandmana na Prijedlog rezolucije. Amandmani nisu usvojeni.

„Za“ Amandman I. glasalo je pet poslanika (iz Federacije BiH), „protiv“ 25, „suzdržanih“ sedam.

„Za“ Amandman II. glasala su četiri poslanika (iz Federacije BiH), „protiv“ 28, „suzdržanih“ pet.

„Za“ Prijedlog rezolucije o osudi napada vlasti entiteta Republika Srpska na ustavni poredak Bosne i Hercegovine, s pozivom na odlučno djelovanje nadležnih institucija s ciljem zaštite ustavnog poretka, očuvanja mira i poštivanja Dejtonskog mirovnog sporazuma glasala su 23 poslanika (iz Federacije BiH 22, iz Republike Srpske jedan), „protiv“ 12, „suzdržana“ dva. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o Prijedlogu rezolucije.

Prije prelaska na tačku 23. dnevnog reda, predsjedavajući je predložio da se objedini rasprava o tačkama 23 - 26. s obzirom na to da je riječ o davanju saglasnosti za ratifikaciju materijala. Ovaj prijedlog prihvaćen je s 31 glasom „za“ (iz Federacije BiH 24, iz Republike Srpske sedam), bez glasova „protiv“ i šest glasova „suzdržan“.

Ad. 23 - 26. Davanje saglasnosti za ratifikaciju

Predsjedavajući je predložio da se objedini glasanje o tačkama 23 - 26. s obzirom na to da je riječ o davanju saglasnosti za ratifikaciju materijala.

Ovaj prijedlog prihvaćen je s 34 glasa „za“ (iz Federacije BiH 24, iz Republike Srpske deset), bez glasova „protiv“ i dva glasa „suzdržan“.

S 35 glasova „za“ (iz Federacije BiH 24, iz Republike Srpske 11), bez glasova „protiv“ i jednim glasom „suzdržan“, data je saglasnost za ratifikaciju:

- Sporazuma između Vlade Republike Sjeverne Makedonije i Vijeća ministara Republike Albanije, Vijeća ministara Bosne i Hercegovine, Vlade Crne Gore, Vlade Republike Srbije i Vlade Republike Slovenije o aranžmanima zemlje domaćina u vezi sa statusom stalne organizacije Balkanskih medicinskih snaga i njihovog osoblja,
- Izmijenjenog i obnovljenog ugovora na Ugovor o zajmu originalnog datuma 12. septembra 2018. (Projekat Koridor 5c – Dio 3) između Bosne i Hercegovine i Evropske banke za obnovu i razvoj,
- Protokola između Vijeća ministara Bosne i Hercegovine i Vlade Rumunije o sukcesiji Bosne i Hercegovine bilateralnih ugovora zaključenih između Federativne Narodne Republike Jugoslavije / Socijalističke Federativne Republike Jugoslavije i Narodne Republike Rumunije / Socijalističke Republike Rumunije / Rumunije na nivou države i vlade,
- Sporazuma o grantu između Bosne i Hercegovine i Evropske investicione banke, Mediteranski koridor: poddionica autoputa 5c u Bosni i Hercegovini Medakovo –

Ozimice / grant Evropskog zajedničkog fonda za Zapadni Balkan / WB-IG06-BIH-TRA-04, broj ugovora (FI broj): 98.576, broj operacije (Serapis broj): 2019-0751.

Sjednica je završena u 16.30 sati.

Sastavni dio Zapisnika je transkript 26. sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSEDavajući
PREDSTAVNIČKOG DOMA
Dr. Denis Zvizdić